

## الكويت SV مصر

أمجد سمير

السلام عليكم ورحمة الله وبركاته. فيديو سريع عن الخناقة اللي قايمة اليومين دول بين الكويتيين والمصريين ولو انت مش عارف ايه القصة فما تزعلش. انت من القائل في هذا الكوكب اللي بحسده. يعني دي حاجة كويسة جدا انك ما تكونش متابع السوشيال ميديا بشكل يعني مصطلح - [00:00:00](#)

لدرجة انك تعرف كل حاجة فما يضايقكش ده خالص هي الحكاية ببساطة واحدة كويتية طلعت اتكلمت بشكل مش ظريف على الجالية المصرية في الكويت آآ طبعاً المصريين ما عجبهمش ده فطلع شوية من المصريين عملوا فيديو ثانية ردت على الفيديو بتاعها بشكل بردو مش ظريف - [00:00:17](#)

عاوز اتكلم على نقطة سريعة في الموضوع ده في حاجة اسمها العصبية الجاهلية او دعوى الجاهلية الاصل في الاسم ده حديث في الصحيحين عن جابر رضي الله عنه ان كان الصحابة خرجوا في غزوة من الغزوات فواحد من المهاجرين - [00:00:39](#) آآ ضرب واحد من الانصار والانصاري قال يا للانصار والمهاجري قال يا للمهاجرين النبي عليه الصلاة والسلام قال دعوة الجاهلية في رواية دعوة الجاهلية وانا بين اظهركم وقالوا يا رسول الله كسع رجل من المهاجرين رجل من الانصار. واحد من المهاجرين ضرب واحد من الانصار - [00:00:57](#)

وقال صلى الله عليه وسلم دعوها فانها منتنة ايه بقى القصة دي قصة اني كتير من الناس آآ قسموا أنفسهم كده ايه تحزبات واسماء ما انزل الله بها من سلطان - [00:01:18](#)

وابتدوا بناء على الاسماء دي يعادوا ويحبوا ويكرهوا ويقاثلوا فانا هكره ده لانه مصري او هشتم ده لانه كويتي او وهكذا فده حصل نقهو نفس السيناريو حصل ان واحد ضرب واحد - [00:01:33](#)

فالواحد ده ينتمي لفئة اسمها المهاجرين والثاني ينتمي لفئة اسمها الانصار. فالانصار قال يا للانصار. يعني تعالوا يا اهلي يا احبابي يا قومي فيه خناقة المهاجرين ما سكتش قال يا للمهاجرين يعني تعالوا انتم كمان الدنيا هتولع - [00:01:52](#) فالنبي صلى الله عليه وسلم سماها ايه؟ دعوى الجاهلية دعوة الجاهلية وانا بين اظهركم دعوها فانها منتنة خلي بالكم واعمل حاجة هنا خطيرة جدا لفظ المهاجرين ولفظ الانصار. دي الفاظ شرعية يا جماعة - [00:02:08](#)

يعني انت ممكن تقابل ربنا يوم القيامة كده ترجو انك لو مش انت يعني لو واحد انصاري او واحد مهاجري يرجو من الله عز وجل انه يغفر له ويتجاوز ويدخله الجنة لمجرد انه انصاري. او لمجرد انه مهاجري. ليه؟ لان لفظ انصار ده يعني دول اللي ناصرنا - [00:02:25](#) النبي صلى الله عليه وسلم واوه اه عندهم لما هاجر من مكة الى المدينة وانتم عارفين القصة آآ ولفظ المهاجر ده راجل سبته اهله ومكان الصبا واللي اتربى فيه وبتاع وساب ده كله وهاجر لله عز وجل - [00:02:44](#)

تاريخاً كل ذلك فدي الفاظ شرعية ضخمة جداً. ومع ذلك النبي عليه الصلاة والسلام لم يقبل اني تحت مظلة هذه الشعارات او هذه الاسماء ان يحصل شئ من ده - [00:03:03](#)

ان يبقى في تحزبات تكتلات تحت الاسماء دي وكل تكتل او تحزب يبتدي ايه؟ يهاجم الحزب الاخر او التكتل الاخر والجماعة الثانية هو نفس اللي حصل. ان واحدة من تحت مظلة او شعار اسمه الكويت - [00:03:20](#)

طلعت شتمت ناس تحت مظلة او شعار اسمه مصر فطلع ناس من تحت مظلة او شعار مصر يشتمو الناس اللي تحت مظلة او شعار الكويت الدعوة الجاهلية دعوة الجاهلية. احنا يا جماعة ربنا سمنا في كتابه المسلمين المؤمنين عباد الله. هي هي دي اسماءنا. هي دي

طب حد ظلم حد نقتص منه بشرع الله عز وجل وما نحاولش نقسم نفسنا. ده يا جماعة ده احنا التقسيمات وصلت ان داخل الدولة الواحدة مش يعني مش دول بقى. لا ده احنا مصر كمان بقى في حاجة اسمها صعايدة وحاجة اسمها فلاحين - 00:03:58  
والصعيدي يرمز للغباء والفلاح يرمز يعني انه له يعني يعني دون المستوى يعني. عايش في مستوى بطريقة عشت وبتاع لأ خش بقى جوة الفلاحين يقول لك لأ ده انا من المركز ده هو من القاهرة ده هو من قرية - 00:04:13  
او هو من نجع انا عايش في المركز. يعني حتى جوة الفلاحين قسموا بعضهم واللي جوة المركز يقول لك لأ ده انا اب عن جد هنا ده ده هو جاي لنا - 00:04:30

ايه يا عم في ايه ؟ وتدخل في حنة تانية تلاقي اهلي وزمالك واسماعيل ومصري وكل فنة من دول تحت الشعار ده تعادي وتوالي على الشعار وتوصل ان ممكن يبقى فيه خسائر في الاموال وفي الممتلكات وفي الابدان والارواح. يعني واحنا شفنا ده - 00:04:40  
شفنا ازاي بالذات في كرة القدم مثلا ممكن يوصل حرب من جمهور نادي ونادي توصل ان فيه ناس تموت مش بتكلم على مؤامرات والقصص دي لا انا بتكلم على حقيقي يعني هم جمهور في جمهور. جمهور في بعضهم - 00:05:02  
ويوصل في الاخر ان ناس بتموت بتتقتل بايه باللي النبي نهى عنه عليه الصلاة والسلام دعوى الجاهلية. وانا بين اظهركم دعوها فانها منتنة احنا عاوزين ناخذ بالناس من القصة دي. انا طبعا الفيديو ما هواش موجه للبنت الكويتية اللي اتكلمت ولا الفيديو مش هيوصل لها اصلا. يعني اتمنى انه يوصل - 00:05:18  
لكن ده شيه بعيد. لكن هو موجه في الاخر يعني انا راجل واقعي. الناس اللي بتسمع الفيديو اللي هم الناس اللي عندي وانا ما شفتش لا فيديو الكويتية ولا فيديو الناس - 00:05:38

اللي بترد عليها غير من الناس عندي. لان هم عملوا له شير فهم مقتنعين باللي بيحصل يعني يعني يكفي ان انت تعمل شير لحاجة زي كده او لرد على كده فانت فانت مقتنع باللي لا اللي بيحصل ده آ لا شيه في بل بالعكس - 00:05:48  
ده ضد دعوى توحيد المسلمين على اسم واحد اسم المسلمين المؤمنين عباد الله. فدعوهم دعوها فانها ممكنة السلام عليكم ورحمة الله - 00:06:02